



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ad Leonem X. Pontificem Maximvm

[Straßburg], 1519

VD16 L 3409

Conclusio LXX.

urn:nbn:de:hbz:466:1-34717

DVLGENTIARVM AD LEONEM X. P. M.

in maxillâ dexteram, præbe ei & siniftram &c. Et Ro. xij. Non defendentes uosmetipfos &c. Si enim hoc esset consiliû (ut multi etiam Theologi uidentur errare) tunc liceret eadem libertate resistere Papæ in suis oneribus & sententijs iniustis, qua Turco, uel alijs aduersarijs, sed nullis prorsus est resistendum, licet nõ sit eorum opus approbandum, ne sit error in conscientia. Sed hæc materia necessaria ualde, aliud tempus, & opus postulat.

CONCVSIO LXX.

Sed magis tenent oibus oculis intendere, oibus auribus aduertere, ne pro cõmissione Papæ illi sua somnia prædicent.

PROBATISSIMA est regula illa Iuristarum, papam in omnibus concessionibus sic agere, ut nulli alteri præiudicet, nisi id faciat expressa mentione, & plenitudinis potestate, ut docet quoq; mos Curia; atq; stilius. Quare certissimû est, quod dans indulgentias, uult eas esse nihil plus quam indulgentias, neq; aliquid ualere, q̃ quod natura sua ualent. permittit aut ualere, quantum ualent, contentus quod dederit, nusq; enim declarat ualorẽ earum. Hæc est cõmissio Papæ. At nostri præcones ultra procedunt, & non solû sese iactant per pulpita, quod sint Papæ, quos rectius pappos alij putant. Verû & nomini coniungunt officium, tam Papæ q̃ Ecclesia;, ac nobis uelut e cælo statuunt & pronunciant cû fiducia quid sint, imo longissime ultra q̃ sint, & esse unq̃ possint indulgentia;, ut uel ex libro suo potest probari nouissimo. Horû itaq; somnia, tenentur Episcopi prohibere, ne sinant lupos intrare ouilia Christi, sicut expresse præcipitur, libro v. de pœ. & re. ca. Cum ex eo, Et Cle. eodẽ. ca. Abusionibus. ut nihil permittant populo proponere, q̃ quod in eorum literis cõtinetur.

CONCLVSIO LXXI.

Contra ueritatem Apostolicarum ueniarum qui loquitur, sit ille anathema & maledictus.

QVIA & si res parua sit, ueniarum largitio, respectu gratia; dei, & ad tantum boatum prædicantium eas, tamen contra potestatem superbe agit, qui contra dixerit, ideo merito maledicetur, cum obedientia Ecclesiastica eo sit mirabilior, quo etiam in uilioribus suo sensui cedit, & humiliatur. Quæ autem sit ueritas